

"حرف الواو"

2749- واحد يحلب والآخر يشد المحلب.

2750- واش هبطك للواد يازيتونة؟!

2751- ولد الناس لا تربيه وحيط الرمل لا تبنيه، ولد الناس يكبر ويروح لناسه وحيط الرمل ما يطلع ساسه.

2752- الورد اللي نور في قداها، بنعمان علاه خذاها.

2753- وريني مع من قمشي نقولك شكون أنت؟

2754- واش دخلك لبيتي حتى تشوف طباع بنتي.

2755- ولد الشيب ياكله الذيب.

2756- ولد الناس ما يبني لا حيطة ولا ساس.

2757- ولد الحرة يحزم فالسرة.

2758- ولد الفار يطلع حفّار.

2759- وجهي كحل ورزقه على الله.

2760- الولف صعيب.

- 2761- واش من سبة تديني شوار دوار الزين؟.
- 2762- واش دارت قومان اطفطف، خص غير قويفلة مقطوعة.
- 2763- وين شفتك شبهتك.
- 2764- واش داروا أحبابي أيدروا شوارب حلابي.
- 2765- واش يقول الميت قدام غساله؟؟.
- 2766- واش اداك ياالحجلة، وواش ردك بالعجلة؟!
- 2767- واش شانك منين كنت ابن آدم، اتحارة وين وليت خيال؟!
- 2768- واش خاصك ياالعريان؟ قال خاصني محزمة.
- 2769- وحدة على داري وحدة على أعداي.
- 2770- واش يسدك من الاستغفار يالي بايت بلا عشا؟.
- 2771- واش يسدك من التنهاد يالي بايت فالخلاء؟.
- 2772- وين بانت الدشيشة ليلة العيد؟.
- 2773- ولد التوازة مقلش.
- 2774- واحد يكسب والأخر يحسب.
- 2775- واش فيك شين يالي عينيك زينين؟.
- 2776- وين ايبان خيطك فالبردعة؟.
- 2777- وين نروح على خوالي؟.
- 2778- وين اكالات يديا ياكلوا عشرة؟
- 2779- وطني وطني ولا الفراش القطن.

2780- وين كان الشين مهلك روحه.

2781- وين ترقد أم الولد مربوطك.

2782- واش يعطل في صلاة الفاهمين؟.

2783- ولد المعزة يأكله الذيب.

2784- وصل حتى للبحر ورجع عطشان.

2785- وحده فالكف، خير من عشرة في التلف.

2786- واحد ياكل الفول، واحد ينتفخ فيه.

2787- واش حازك لهذا الدين الضيق؟.

2788- ولات النملة تمشي على البعير.

2789- وليد باسم الله مايعيش.

(أي الشيء المحبوب والمعتنى به كثيرا كالطفل المدلل تصعب استقامته).

2790- واش يجيب حرثه لنقيشه!!.

2791- ويحك ياالضعيف!!.

2792- وقية خوف خير من قنطار محبة.

2793- وطني وطني وإلا رقاد القطن.

2794- وطني وطني ولو حراق بطني. (مثل يضرب على لسان الضفدعة)

2795- وقية زهر خير من قنطار فهامة.

2796- واش راح له فالقمح إذا ذروه، راجل أمه يكيله، وهو بالمغرب يميله.

- 2797- الوليد مولود والراجل موجود والأخ مفقود.
- 2798- واش يحمر ك يا المصفر، القايلة ولا النار؟!
- 2799- واحدة في الجيب خير من عشرة فالغيب.
- 2800- واش تديري يا عشاة ليلة في المهزولة.
- 2801- وين كنتم يا خرفان عندما كنّا جزاره، وين كنتم يا غزلان عندما كنا صيادين.
- 2802- وين راحوا دراهمك يا السمار؟... بين الصفيحة والسمار.
- 2803- وصلنا للمسقي!
- 2804- ولد عمي بحلاسه خير من البراني بلباسه.
- 2805- ونّي قبل السيل.
- 2806- واش يخرج العروس من دار بوها.
- 2807- واش يجيب الشاش للمشماش واش يجيب التافقة لقرين جدي، ألي وجعته ضرسته يحوس.
- 2808- وصل السارق لباب داره.
- 2809- والفت رابحة بصيد الأرناب.
- 2810- واحد يلعب بالقرآن، وواحد مالقاش باش يصلّي.
- 2811- ولد الفار يجي حفار ولد البط يجي عوام.
- 2812- واش يقرب راسها ليا نطليه.؟!
- 2813- الواشمة طالعة وإلا مهودة.

- 2814- واش حازني فالزردك ناخذ أمه.
- 2815- واش فالنملة يتحزم، أواش فيها يندب واقف.
- 2816- واش يعرف الداب في أكل القرفة.
- 2817- واحد قلبه على جمرة والآخر على قمره.
- 2818- والله ما نموت حتى يفوت عدويا للموت.
- 2819- ولدتني يما بلا عيب والعيب يهدف.
- 2820- واش يجيب النخل للدوم الزحاف.؟!
- 2821- وريح اللي دارت عولتها دقيق وريح اللي دات راجلها صديق.
- 2822- وين طولها وين عرضها.
- 2823- وصلوا الكذاب لعند الباب.
- 2824- وافهم يا الفاهم.
- 2825- ولت حليلة لعاداتها القديمة.
- 2826- واحدة تجيب الخير معاها والأخرى تخرجه بعمود، واحدة بمائة مليون رخيصة والأخرى غالية بجلد قعود.
- 2827- ولف النساء يخلي الديار.
- 2828- وين بها يا عاصي الوالدين.
- 2829- الوالدين الصيد يجوه قبالة، والبعض إلا يهولوه وما يصطادوشي.

2830- وين أحبابك وين أصحابك وين اللي قال نبغوك، ذوك الناس
إلا غروك.؟!!

2831- وين يبان خيطه في الحلاس.؟!!

2832- واحد يغسل وواحد مقابله يدير التف التف.

2833- واحد يكذب ويستتر، وآخر يجيبه أحول وابتر.

2834- واش يعرف الحمار لغز القرفه.

2835- واش خصك يا يتيمة؟ خصتني محزمة وبريمة.

2836- واه، باين الحيا على وجه الطراح!

2837- واه مع ذيك العقبة يطلع لك.

2838- الوقت انقلب، الحمار صار يحلب.